



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU POLITIČKE ORGANIZACIJE GRAĐANA “SNAGA BOSNE“

Broj: 03-07-6-437/12
Sarajevo, 23. novembar 2012. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Političke organizacije građana "SNAGA BOSNE" za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Politička organizacija građana "SNAGA BOSNE" prekršila je odredbe člana 8. stav (1) i člana 11. stav (3) i stav (4) Zakona o finansiranju političkih stranaka.**

Pregledom, odnosno kontrolom godišnjeg finansijskog izvještaja, a obzirom na činjenicu da politička stranka nije dostavila dodatnu finansijsku dokumentaciju, nismo zapazili ništa značajno, osim gornje napomene, što bi ukazalo na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Političke organizacije građana "SNAGA BOSNE" za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Politička organizacija građana "SNAGA BOSNE" ostvarila je ukupne prihode u iznosu od 2.426,39 KM, što je iskazano u sljedećoj tabeli:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	2.459,28	99,87%
	Ostali prihodi	3,11	0,13%
	Ukupni prihodi:	2.462,39	100,00%

U godišnjem finansijskom izvještaju stranka je iskazala ukupne rashode u iznosu od 1.557,60 KM.

2. PREDSTAVLJANJE POLITIČKE STRANKE

Naziv političke stranke: Politička organizacija građana "SNAGA BOSNE". Skraćeni naziv: POG "SNAGA BOSNE".

Rješenjem broj: 065-0-Reg-08-000164 od dana 04.02.2008. godine, Politička organizacija građana "SNAGA BOSNE" je upisana u registar političkih organizacija kod Općinskog suda u Sarajevu. Dana 16.05.2012. godine, Rješenjem Općinskog suda u Sarajevu broj: 065-0-F1-12-000014 upisana je promjena sjedišta stranke i lica ovlaštenog za zastupanje stranke.

Sjedište političke stranke je u Ilijašu, 126. Ilijaške brigade br. 6¹.

Lice ovlašteno za zastupanje stranke u 2011. godinu je Nesib Mandžić.²

Lice ovlašteno za podnošenje finansijskih izvještaja za 2011. godinu je Mujo Fejzić.

¹ Prema podacima iz godišnjeg finansijskog izvještaja za 2011. godinu, sjedište stranke je u Ilijašu, Sovrle br. 60. Rješenjem Općinskog suda u Sarajevu od 16.05.2012. godine, sjedište stranke promijenjeno.

² Dana 16.05.2012. godine, u Registar Općinskog suda u Sarajevu kao lice ovlašteno za zastupanje Političke organizacije građana "SNAGA BOSNE" upisan je Hajrudin Avdić, v.d. predsjednik.

Prema podacima iz godišnjeg finansijskog izvještaja za 2011. godinu, Politička organizacija građana "SNAGA BOSNE" nema niže nivoe organizovanja (entitetske, kantonalne, opštinske).

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Političke organizacije građana "SNAGA BOSNE" za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Političke organizacije građana "SNAGA BOSNE" obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled finansijskih izvještaja Političke organizacije građana "SNAGA BOSNE" u periodu 2008.-2010. godine i izdala izvještaje o pregledu sa mišljenjem revizora, nalazima i preporukama.

Nakon što je izvršila pregled godišnjeg finansijskog izvještaja za 2010. godinu, Služba za reviziju je izdala Izvještaj o pregledu sa mišljenjem revizora, nalazima i preporukama revizije da stranka treba postupati u skladu sa odredbama člana 11. stav (3) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2011. godinu, utvrđeno je da politička stranka nije ispoštovala preporuke koje su date u izvještaju o pregledu godišnjeg finansijskog izvještaja za 2010. godinu, odnosno postupila je suprotno odredbama člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

a) Politička organizacija građana "SNAGA BOSNE" prekršila je odredbe člana 8. stav (1) Zakona o finansiranju političkih stranaka.

Politička organizacija građana "SNAGA BOSNE" koristila je, bez naknade, prostorije Općine Ilijaš, površine 18 m².

Korištenjem prostorija u vlasništvu opštine bez naknade, stranka je prekršila odredbe člana 8. stav (1) Zakona o finansiranju političkih stranaka³.

³ Dopis Općine Ilijaš broj: 04/1-14-882/12 od 11.04.2012. godine.

b) Politička organizacija građana “SNAGA BOSNE” prekršila je odredbe člana 11. stav (3) i stav (4) Zakona o finansiranju političkih stranaka.

(1) Na osnovu obavljenog pregleda, utvrđeno je da Politička organizacija građana “SNAGA BOSNE” obrasce godišnjeg finansijskog izvještaja za 2011. godinu nije popunila u skladu sa odredbama Pravilnika o godišnjim finansijskim izvještajima političkih stranaka, čime je prekršila odredbe člana 11. stav (3) Zakona o finansiranju političkih stranaka.

- Uvidom u godišnji finansijski izvještaj, utvrđeno je da je isti dostavljen na obrascima koji nisu propisani Pravilnikom o godišnjim finansijskim izvještajima političkih stranaka (“Službeni glasnik BiH“ broj: 61/06).

Naime, Politička organizacija građana “SNAGA BOSNE” je godišnji finansijski izvještaj za 2011. godinu dostavila na obrascima koji su propisani Pravilnikom o godišnjim finansijskim izvještajima političkih stranaka (“Službeni glasnik BiH“ broj: 10/04), a koji je članom 29. Pravilnika o godišnjim finansijskim izvještajima političkih stranaka (“Službeni glasnik BiH“ broj: 61/06) stavljen van snage.

- Stranka nije u obrascu 2 (transakcijski računi političke stranke) godišnjeg finansijskog izvještaja iskazala podatke o transakcijskom računa broj: 3386902233337427 kod UniCredit bank dd, čime je prekršila odredbe člana 11. Pravilnika o godišnjim finansijskim izvještajima političkih stranaka.

Prema podacima UniCredit bank dd Sarajevo, putem ovog računa u periodu od 01.01.-31.12.2011. godine nije ostvaren promet.

Takođe je utvrđeno da stranka nije u obrascu 1-1 (teritorijalna struktura političke stranke) iskazala organizacioni dio stranke u Srebrenici, što je suprotno odredbama člana 10. Pravilnika o godišnjim finansijskim izvještajima političkih stranaka.

(2) Dana 12.07.2012. godine, Centralna izborna komisija Bosne i Hercegovine je Političkoj organizaciji građana “SNAGA BOSNE“ uputila Zahtjev za dostavljanje dodatne dokumentacije za 2011. godinu⁴, odnosno dana 30.08.2012. godine Urgenciju za dostavljanje dodatne dokumentacije⁵, kojim je od stranke zatraženo da dostavi dodatnu dokumentaciju (spisak svih organizacionih dijelova – odbora stranke, dokumentaciju o korištenju poslovnih prostora u 2011. godini, glavnu knjigu sa kompletnim analitičkim evidencijama stranke za period 01.01.-31.12.2011. godine, kopiju izvoda sa transakcijskog računa broj: 3386902233047591 za period 01.01.-31.12.2011. godine, te dokumentaciju za transakcijske račune u UniCredit banci d.d. i Vakufskoj banci d.d.).

Centralna izborna komisija BiH je stranci, dana 11.09.2012. godine, ponovo uputila Zahtjev za dostavljanje dodatne dokumentacije⁶.

Na navedene zahtjeve, Politička organizacija građana “SNAGA BOSNE“ je, dana 26.09.2012. godine, Centralnoj izbornoj komisiji BiH dostavila samo dokumentaciju o transakcijskim računima u UniCredit banci d.d. i Vakufskoj banci d.d. (broj računa: 3386902233337427 i 1601080000017044).

⁴ Zahtjev broj: 03-07-6-437-2/12.

⁵ Urgencija broj: 03-07-6-437-3/12.

⁶ Zahtjev za dostavljanje dodatne dokumentacije je upućen na novu adresu stranke: 126. Ilijaške brigade br. 6.

Obzirom da nije na zahtjev Centralne izborne komisije BiH dostavila dodatnu finansijsku dokumentaciju za 2011. godinu, Politička organizacija građana "SNAGA BOSNE" prekršila je odredbe člana 11. stav (4) Zakona o finansiranju političkih stranaka.

Prilikom izrade izvještaja, Služba za reviziju se oslanjala na podatke prikupljene iz drugih izvora, i to: podatke iz Jedinstvenog registra računa kod Centralne banke Bosne i Hercegovine, podatke o prihodima iz budžeta i podatke o korištenju poslovnih prostora u vlasništvu opština.

5.2. PREPORUKE

Preporučuje se Političkoj organizaciji građana "SNAGA BOSNE" da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da ne prima priloge koji su zabranjeni odredbama člana 8. stav (1) Zakona o finansiranju političkih stranaka,*
- *da postupa u skladu sa odredbama člana 11. stav (3) Zakona o finansiranju političkih stranaka, odnosno da finansijske izvještaje koje podnosi Centralnoj izbornoj komisiji BiH dostavlja i popunjava u skladu sa Pravilnikom o godišnjim finansijskim izvještajima političkih stranaka, i*
- *da, u skladu sa odredbama člana 11. stav (4) Zakona o finansiranju političkih stranaka, dostavlja dodatnu dokumentaciju koju od nje zatraži Centralna izborna komisija BiH.*

KOMENTAR:

U ostavljenom roku, Politička organizacija građana "SNAGA BOSNE" nije dostavila primjedbe na Preliminarni izvještaj o pregledu godišnjeg finansijskog izvještaja za 2011. godinu.

Mr. Hasida Gušić, šef Službe za reviziju

Sanja Čabrilo, revizor